

Zurück in die Zugluft

**Zurück in die Zugluft
Raus aus dem Tal
Aus dem öden Digital
Zurück in die Zugluft
Raus aus dem Tal
Aus dem öden, blöden Digital**

Endlich moi an Schmetterling beim Flattern zuaseng
Wenn i mit mei'm Hund zum Woid hochrenn
Die dicke Eiche nimm i jetzt ganz fest in die Arm
Der Wind blost ma ins G'schicht
Doch die Sonna is warm

Die Ameis'n san fleißig
Uj, mein lieber Schwan
Die schlepp'n unentwegt
Ois was rumliegt z'samm

A Blindscheicha am Weg
Huj, hob denkt, es war a Ast
A Kuah schaut mi o
Die ganz genussvoll grast

**Zurück in die Zugluft
Raus aus dem Tal
Aus dem öden Digital
Zurück in die Zugluft
Raus aus dem Tal
Aus dem öden, blöden Digital**

Am Rücken liegn
Und einfach in den Himme' naufschau'n
Die Wolk'n da drob'n
Schau'n aus wie tanzende Frau'n

Den Adler hochdrob'n hätt i fast überseng
Er is total vogelfrei
Da ob'n da konn ihm nix gscheng

Die Antn ladet wie a Weltmeister im Fluss
Ja, g'lernt is hoid g'lernt
Des Zuschauen ein Genuss

Die Mohnblumen schwingen wie a Ballett im Wind
A junga Vata macht an Flieger mit sei'm kloana Kind

Zurück in die Zugluft
Raus aus dem Tal
Aus dem öden Digital
Zurück in die Zugluft
Raus aus dem Tal
Aus dem öden, blöden Digital

Ah! Mei is da schee
Aua! Aah, jetzt hod mi de doch glatt g'stocha